

يا رسول الله ونبينه أظلمت أرض المدينة
أعظم امصاب فكد الأحاب

يا نبي الرحمة	شيعة	نتسمه	بحب علي ونوره اهتدينه
وهديه	حب علي إيمان	حب علي هو السفينه	
الكون من غيره	صعب	تصويره	مظلم وموحش عليه
سيد الكونين	هذا بو الحسنين	كوثر ابجه ارتوينه	

نحب المرتضى ونتسمه شيعة	شرف وأعله الصدر يتعلگ اوسام
نحبه ونعشگه ونهوى أبو حسين	ولا نخشى المخاطر ويا لالام
ابكرامه تعيش أحبابك ييمختار	ابمودة علي مرفوعين الهام
نظل لآخر نفس ما نهوى غيره	ولا تغير محبتنه الأيام

يطه يا النبي المرسل	وعلي مثل الوحي المنزل
اليحبه ابدفتره امسجل	محب حيدر
علي واليعشقه يفخر	ابمحبة حيدر اتنور
نجاته ابساحة المحشر	محب حيدر
نظل طول العمر شيعة	عهد وابدمنه توقيعه
وحبته الغالي ما نبيعه	ما نتغير

يا رسول الله ونبينه أظلمت أرض المدينة
أعظم امصاب فكد الأحاب

غمض	اعيونه	وأطبك	اجفونه	وفاضت الروح الشريفه
واعتلت	روحه	ونفسه	مجروحه	تندبه الزهره العفيفه
وصاح	جبرائيل	وظلمه	جنها الليل	والقلب ألم نزيهه
والغدر	مرسوم	ينكتب	هاليوم	باجتماعات السقيفه

رحل طه وعليها أظلم الكون	تصيح امصاب أبويه اعليه ميهون
كلب متألم ابنزف الجراحات	وعليه أولادها بالحسره يبچون
تقول الهم حسن يحسين زينب	يحيدر لو بچيتوا ابچوا بالهون
بعد ساعه تجي العدوان للدار	واليكم ما أظن يهلي يرحمون

دمعكم أغلى من دمعي	والمكم أحمله ابضلعي
ياولادي اختلف وضعي	ياولادي
يحيدر تحضر الأشرار	وتدخل في وسط هالدار
وينبت بالصدر مسمار	من العادي
وبعد ما تحصل العصره	وضلوعي يهلي متكسره
أصيح ابنوحي وابحسره	إلى الهادي

يا رسول الله ونبينه أظلمت أرض المدينة
أعظم امصاب فكد الأحاب

يا نبي الأمه	اختلفت الأمة	واغصبوا حگ الأطایب
وهجمة الأشرار	عنوة وسط الدار	سجلت أولى المصاب
واضح المسلك	وابلا ريب وشك	أسسوا دين النواصب
اتعادي من والاك	اتوالي من عاداك	اتحارب ابجيش وكتایب

نسجل أول الويلات ویلات	جرت عالزهره لمن هجموا الدار
تجي العدوان ليها ابتالي الليل	وعلى باب الزچية وجرت نار
وعصرها ابابها وتكسير أضلاع	ولا ننسى أبد نبتة المسمار
ولا ننسى بعد لطمة اعله لعيون	تجرح بالصدر لطمة الغدار

عداء ايبزر العدوان	حقد ضد النبي وأضغان
بواطن واحملت شيطان	ولا إسلام
وخل نحجي على المكشوف	علي ليش ابجل مچتوف
حقد عين الوديعة اتشوف	من الظلام
علي حيدر يعرفونه	أرادوا ابغدره يقصونه
خليفة طه يدرونه	علي الضرغام

يا رسول الله ونبينه أظلمت أرض المدينة
أعظم امصاب فكد الأحاب

للكبر جت لك	فاطمه	اتسئلك	حضرت ابساعة عشيّه
بس إجت يمه	اترابك	اتشمه	اتصيح بويه رد عليه
بويه ضربوني	بويه	ظلموني	يا عظم هاي الرزيه
وسگطوا حملي	يالأبو	گللي	وشيطفي النار بيه

اجت عند الكبر تشكي له الحال	وچنها الطير مكسور الجناحين
مصاب الشافته ما مر على انسان	يچگ لو أدمت الدمعات في العين
على گبر النبي اتصيح الزچيه	ورا الباب انكسر من عندي ضلعين
وعلي امچتف يجرونه بلحبال	وزينب تشتكي لي وحسن وحسين

آليمه ومنشغل بالي	يبويه ابدهشة اطفالي
بعد عينك غده حالي	ألم غربه
الحسن يا بويه ذوبني	وحسين امصابه عذبني
وزينب لو دنت مني	من الكربه
عليه كشرت أنياب	صحابك واني قلبي انصاب
محن وأولها كسر الباب	محن صعبه

يا رسول الله ونبينه أظلمت أرض المدينة
أعظم امصاب فكد الأحاب

لوعة	امصابك	اتعذب	أحابك	وانته ع فراش المنيه
وجمرة	اغيابك	اموجره	ابابك	اتورم اعيون الزحية
ودمعة	الحسرة	تجري	مستعره	والمهج لجلك دمي
اتغادر	الأمه	وآهه	مرتسمه	ونار توديعك لظيه

وداعك يعني ظلمه ابليا مصباح	وداعك زهره ذبلت من لجروح
وداعك فاطمه الزهره تناجيك	يبو الزهرة رجيتك عني لا تروح
وداعك حيدر ابحضنه يخليك	ودمعه ابحسرة فوق الوجن مسفوح
وداعك زينب اتقبل أياديك	تقول انهدت ابتوديعك اصروح

عليك الدمعه والحسره	وساعات الفكد مره
تقاسيا فراك الزهره	صعب فركاك
وعليك أهل السمه اتنادي	أن أقدم يا النبي الهادي
فرح عند الملك بادي	إلى ملكاك
رسول الله وجمر لغياب	على الأمه يزيد امصاب
مصيبه امفارگ الأحاب	اخذنه وياك

يا رسول الله ونبينه أظلمت أرض المدينة
أعظم امصاب فكد الأحاب

روحي	مشتاگه	ادموعي	دفاگه	أدخل	أعتاب	الطهاره
أدخل	المسجد	أركع	وأسجد	والله	مشتاق	الزياره
الروضه	من أدخل	الدمع	يهمل	يجري	عالخد	ابغزاره
وجانب	المنبر	صورتك	تحضر	يا رسول الله	ابحراره	

يبو القاسم	وأنا أركب	حضورك	تجيني	وتمسح	ابعيني	الدمعه
وتطرب	يا أبو القاسم	اهمومي	دعائي	للفرج	أدري	تسمعه
فرج	يا سيدي الكل	الأسارى	وكل	غايب	إلى أهله	ترجعه
فرج	يا ربي ابجاه	ابو الزهره	أهل بيت	الهدى	الخمسه	والتسعه

أزورك	والدمع	ساجم	أنوحك	يا أبو القاسم
أجيك	والقلب	هايم	لأعتابك	
أجي لك	وأقره	لزياره	وأصيح	ابصوتي
دگوم	وعجل	الغاره	من اغيابك	
يمهدي	ويا فرج	لينه	دگوم	وشوف
اشعمل	هذا الدهر	بيه	احنه	احبابك